

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKAH SAHIIH/BAHASA MALAYSIA**

<http://www.parlimen.gov.my>

**HARI KHAMIS, 16 MAC 2017, PUKUL 10.00 PAGI**

**Bil. 4**

---

**WAKTU PERTANYAAN-PERTANYAAN MENTERI**

1. PR-1351-MQT0029  
**Dato' Dr. Shamsul Anuar Bin Haji Nasarah [ Lenggong ]** minta **PERDANA MENTERI** menyatakan apakah impak dan kepentingan lawatan Raja Salman bin Abdul Aziz Al-Saud, Raja Arab Saudi ke Malaysia baru-baru ini.
2. PR-1351-MQT0034  
**Puan Nurul Izzah Binti Anwar [ Lembah Pantai ]** minta **MENTERI WILAYAH PERSEKUTUAN** menyatakan punca kejadian banjir kilat yang berlaku di sembilan buah jalan sekitar Kuala Lumpur pada 14 Mac 2017 sehingga mengakibatkan kesesakan lalu lintas dan apakah status naik taraf pembesaran longkang bagi menampung air hujan sekiranya berlaku hujan lebat di Kuala Lumpur.
3. PR-1351-MQT0038  
**Datuk Noor Ehsanuddin Bin Mohd Harun Narrashid [ Kota Tinggi ]** minta **MENTERI SUMBER ASLI DAN ALAM SEKITAR** menyatakan akhir-akhir ini terdapat beberapa kejadian serangan haiwan liar seperti gajah, kera, babi hutan dan sebagainya. Apakah tindakan segera Kementerian dan perancangan jangka masa panjang dalam menyelesaikan konflik antara manusia dan haiwan liar ini. Apakah tindakan yang diambil pihak PERHILITAN pada masa ini dianggap mencukupi.

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI KHAMIS, 16 MAC 2017, PUKUL 10.00 PAGI**

**Bil. 8**

---

**WAKTU PERTANYAAN-PERTANYAAN MENTERI**

---

**PERTANYAAN-PERTANYAAN BAGI JAWAB LISAN**

1. PR-1351-L00293  
**Datuk Seri Haji Ahmad Bin Hamzah [ Jasin ]** minta **MENTERI PENDIDIKAN TINGGI** menyatakan langkah-langkah konkrit untuk menangani masalah pengeluaran (supply) graduan yang melebihi keperluan pasaran (demand) dan mismatch antara pengeluaran dan keperluan pasaran di pasaran buruh.
2. PR-1351-L00256  
**Tuan Sim Tong Him [ Kota Melaka ]** minta **MENTERI SUMBER ASLI DAN ALAM SEKITAR** menyatakan :-
  - (a) tentang keadaan banjir yang berlaku setiap tahun di Pantai-Timur dan berikan punca-punca utama yang mengakibatkan banjir di kawasan-kawasan tertentu hampir setiap tahun; dan
  - (b) mengapa fenomena banjir tidak dapat diatasi dan nyatakan projek-projek pencegahan banjir yang telah dilaksanakan dan bagaimanakah dengan kesannya.
3. PR-1351-L00027  
**Datuk Haji Shabudin Bin Yahaya [ Tasek Gelugor ]** minta **PERDANA MENTERI** menyatakan setakat Januari 2017 berapakah jumlah unit kediaman PR1MA telah berjaya dijual berdasarkan sasaran yang ditetapkan oleh Kerajaan sejak diperkenalkan dan apakah bentuk inovasi-inovasi baru yang dilaksanakan untuk mempertingkatkan kualiti dan harga.

4. PR-1351-L00745  
**Tuan Ahmad Baihaki Bin Atiqullah [ Kubang Kerian ]** minta **MENTERI PERTAHANAN** menyatakan apakah hasil laporan siasatan tragedi nahas pesawat TUDM jenis Beechcraft yang terhempas di Butterworth Pulau Pinang pada penghujung tahun 2016.
5. PR-1351-L00362  
**Datuk Aaron Ago Anak Dagang [ Kanowit ]** minta **MENTERI KEMAJUAN LUAR BANDAR DAN WILAYAH** menyatakan sama ada Kerajaan bercadang untuk menambahkan peruntukan bagi mempercepatkan pembinaan jalan luar bandar terutamanya di Sarawak supaya kawasan pedalaman yang memang telah lama tertinggal dapat aksesibiliti dan dengan itu prasarana lain seperti bekalan elektrik dan air dapat juga sampai ke kawasan pedalaman di Sarawak.
6. PR-1351-L00315  
**Dato' Takiyuddin Bin Hassan [ Kota Bharu ]** minta **MENTERI PENGANGKUTAN** menyatakan sejauh manakah perkembangan Perjanjian Railway Network Access Agreement antara Keretapi Tanah Melayu Berhad (KTMB) dengan Railway Assets Corporation dan apakah keuntungan yang akan diperoleh oleh KTMB.
7. PR-1351-L00303  
**Dato' Dr. Shamsul Anuar Bin Hj. Nasarah [ Lenggong ]** minta **MENTERI PEMBANGUNAN WANITA, KELUARGA DAN MASYARAKAT** menyatakan jenis penderaan kanak-kanak yang terjadi dari tahun 2015 hingga kini. Apakah faktor mahupun punca berlakunya kes sedemikian dari tahun ke tahun dan bagaimana Kementerian merancang untuk menangani masalah ini.
8. PR-1351-L01345  
**Tuan Manivannan A/L Gowindasamy [ Kapar ]** minta **MENTERI KESIHATAN** menyatakan :-
  - (a) sejauh mana syarat-syarat pengamalan perubatan di Malaysia akan diperketatkan, dan bagaimanakah ini akan memperbaiki mutu para pengamal perubatan di Malaysia. Apakah komitmen Kerajaan Persekutuan untuk memastikan perkhidmatan yang diberikan oleh pengamal perubatan adalah pada tahap antarabangsa.; dan
  - (b) jumlah bilangan doktor pelatih yang mendapatkan tawaran kerja kontrak mengikut kategori dan cara penyelesaian ketidakcukupan jawatan baru untuk doktor, doktor gigi, ahli farmasi dan lain-lain

9. PR-1351-L00116  
**Dato' Dr. Haji Noor Azmi Bin Ghazali [ Bagan Serai ]** minta **PERDANA MENTERI** menyatakan sejauh manakah Malaysia sudah bersedia untuk meneruskan pembangunan era pembangunan sebuah negara maju, apakah tahap pendapatan dan kemajuan yang diukur sebagai induktor pencapaian status pembangunan ini dan bagaimanakah corak polisi pembangunan oleh Kerajaan dan juga corak kehidupan harian bagi rakyat yang akan mendasari status sesebuah negara maju dan berpendapatan tinggi.
10. PR-1351-L00325  
**Dr. Che Rosli Bin Che Mat [ Hulu Langat ]** minta **MENTERI SAINS, TEKNOLOGI DAN INOVASI** menyatakan sumbangan besar Pusat Teknologi Nano terkini kepada perkembangan Sains dan Teknologi dan Pembangunan Industri Negara.
11. PR-1351-L01122  
**Dato' Seri Tiong King Sing [ Bintulu ]** minta **MENTERI PENDIDIKAN** menyatakan :-
- (a) adakah Kementerian mempunyai perancangan menanggung segala kos pembelajaran kelas komputer bagi pelajar-pelajar sekolah rendah di mana pelajar-pelajar perlu membayar kos tersebut pada masa kini.; dan
  - (b) sekiranya kelas komputer tersebut bukan merupakan subjek yang wajib dipelajari, wajarkah kelas tersebut dimasukkan dalam jadual kelas harian dan sekolah membenarkan syarikat swasta memberi perkhidmatan pembelajaran tersebut serta kos tersebut perlu dibiayai oleh pelajar-pelajar sendiri.
12. PR-1351-L00628  
**Tan Sri Dato' Seri Abd Khalid Bin Ibrahim [ Bandar Tun Razak ]** minta **PERDANA MENTERI** menyatakan perincian lengkap rancangan perbelanjaan pembangunan (capex) Kerajaan menurut kategori keselamatan, sosial, ekonomi dan pentadbiran am di bawah RMK11 terutama berkaitan infrastruktur, kemudahan awam, pengangkutan, komunikasi, perdagangan dan perindustrian, perumahan, pendidikan dan latihan, kesihatan, pertahanan dan keselamatan dalam negeri.
13. PR-1351-L91378  
**Dato' Sri Abdul Azeez Bin Abdul Rahim [ Baling ]** minta **MENTERI KESIHATAN** menyatakan perancangan jangka pendek dan jangka panjang kementerian dalam menaik taraf fasiliti-fasiliti kesihatan sedia ada yang umumnya kita ketahui sebahagian besar klinik-klinik kesihatan, klinik-klinik desa ini telah dibina pada awal tahun 70an lagi dan masih beroperasi sehingga ke hari ini.

14. PR-1351-L00964  
**Tuan Mohamed Hanipa Bin Maidin [ Sepang ]** minta **MENTERI PENDIDIKAN** menyatakan adakah Kerajaan akan tetap membina sekolah menengah di Kota Warisan dan jika ya, bila ianya akan mula dibina. Jika tidak, kenapa.
15. PR-1351-L00081  
**Dato' Haji Mohd Zaim Bin Abu Hasan [ Parit ]** minta **MENTERI KERJA RAYA** menyatakan berapa ramai pelatih Akademi Binaan Malaysia yang telah menceburkan diri dalam bidang pembinaan. Sejauh mana akademi ini telah berupaya untuk menyediakan tenaga kerja mahir tempatan dalam usaha Kerajaan mengurangkan kebergantungan kepada pekerja warga asing dalam industri pembinaan.
16. PR-1351-L01361  
**Tuan Oscar Ling Chai Yew [ Sibu ]** minta **MENTERI PENDIDIKAN** menyatakan sebab 210 guru interim akan dihentikan jawatan mereka pada Mac. Adakah ini bercanggah dengan perjanjian autonomi pendidikan yang disetujui oleh Bekas Ketua Menteri Sarawak, Tan Sri Adenan Satem dan Perdana Menteri. Nyatakan bilangan guru Semenanjung yang dipindah untuk mengisi kekosongan pada tahun 2015, 2017 dan 2017, dan jelaskan bilangan guru agama.
17. PR-1351-L00517  
**Datuk Juslie Bin Ajirol [ Libaran ]** minta **MENTERI KEWANGAN** menyatakan status terkini rizab antarabangsa Bank Negara Malaysia (BNM), setakat mana paras rizab semasa dapat membiayai import tertanggung dan hutang luar negara Malaysia dan setakat mana BNM meningkatkan rizabnya sejak kerugian pertukaran asing pada 1992/1993 dan krisis kewangan Asia pada 1998.
18. PR-1351-L01237  
**Dato' Mansor Bin Othman [ Nibong Tebal ]** minta **MENTERI PENDIDIKAN** menyatakan statistik Sekolah Jenis Kebangsaan (Tamil) di negeri Pulau Pinang kini dan nyatakan jumlah pelajar yang berdaftar di sekolah-sekolah tersebut dan bentuk-bentuk bantuan yang disalurkan bagi membantu meningkatkan mutu pengajaran dan pembelajaran sekolah-sekolah tersebut.
19. PR-1351-L00101  
**Datuk Abd Rahim Bin Bakri [ Kudat ]** minta **MENTERI KEMAJUAN LUAR BANDAR DAN WILAYAH** menyatakan setakat manakah kejayaan projek menangani kemiskinan melalui projek ladang getah yang dilaksanakan oleh Lembaga Industri Getah Sabah di Kanibongan, Pitas berjaya meningkatkan tahap sosio ekonomi peserta dan berapakah purata pendapatan dan kemudahan lain yang mereka perolehi. Adakah tanah ini diserahkan kepada peneroka tempatan.

20. PR-1351-L00147  
**Laksamana Pertama Haji Mohamad Imran Bin Abd Hamid (B) [ Lumut ]** minta **MENTERI PELANCONGAN DAN KEBUDAYAAN** menyatakan berapa banyakkah peruntukan yang diberi oleh UNESCO bagi mengurus dan menyelenggara Perak Man di Muzium Perak di Lenggong.
21. PR-1351-L00003  
**Dato' Haji Abdul Rahman Bin Mohamad [ Lipis ]** minta **PERDANA MENTERI** menyatakan perancangan kerajaan untuk membanteras hingga ke akar umbi terhadap pesalah-pesalah yang terlibat dalam kes rasuah terutamanya terhadap penjawat awam yang memegang jawatan tinggi dalam kementerian.
22. PR-1351-L01029  
**Puan Hajah Siti Zailah Binti Mohd Yusoff [ Rantau Panjang ]** minta **MENTERI PENGANGKUTAN** menyatakan apakah usaha untuk meningkatkan kualiti keselamatan di lapangan terbang berikutan dengan kes pembunuhan guna semburan cecair beracun yang melibatkan warga Korea Utara baru-baru ini.
23. PR-1351-L00253  
**Dato' Sri Hasan Bin Arifin [ Rompin ]** minta **MENTERI PERTANIAN DAN INDUSTRI ASAS TANI** menyatakan berapa ribu hektar tanah yang terlibat dalam industri akuakultur dan berapa banyak pengeluaran ikan dan udang dari industri ini mulai dari tahun 2011, 2012, 2013, 2014 dan 2015.
24. PR-1351-L01182  
**Puan Kasthuriraani A/P Patto [ Batu Kawan ]** minta **MENTERI PERDAGANGAN ANTARABANGSA DAN INDUSTRI** menyatakan bilangan perjanjian yang telah pun ditandatangani dalam lawatan rasmi YAB Perdana Menteri tahun lepas di antara Kerajaan Malaysia dengan Kerajaan negara China, jenis sektor atau industri yang terlibat serta jumlah pelaburan atau pinjaman yang berkaitan dengan penandatanganan tersebut.
25. PR-1351-L00338  
**Dr. Ismail Bin Daut [ Merbok ]** minta **MENTERI PERTANIAN DAN INDUSTRI ASAS TANI** menyatakan peraturan jagung bijirin dan kacang soya yang diimport dari luar negara pada tahun 2016 bagi tujuan makanan ternakan. Apakah langkah yang dilakukan oleh Kerajaan bagi menggalakkan rakyat di negara ini terlibat dengan aktiviti pertanian khususnya bagi tanaman jagung bijirin dan kacang soya.

26. PR-1351-L01093  
**Tuan Tony Pua Kiam Wee [ Petaling Jaya Utara ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah sebabnya pengiraan kadar perubahan harga petrol setiap bulan tidak diterbitkan secara terperinci setiap bulan, terutamanya harga minyak MOPS dan kadar pertukaran mata wang yang digunakan. Adakah pengiraan terperinci ini akan diumumkan pada bulan-bulan yang akan datang.
27. PR-1351-L00644  
**Datuk Liang Teck Meng [ Simpang Renggam ]** minta **PERDANA MENTERI** menyatakan tindakan (pengawasan) yang diambil oleh Kerajaan dalam pemberian pingat anugerah persekutuan dan negeri yang kebelakangan ini boleh dikatakan terlalu banyak. Jelaskan 'screening process' yang digunakan oleh kerajaan persekutuan mahupun negeri (sebelum diputuskan oleh ketua negara/negeri) dalam pemberian anugerah.
28. PR-1351-L00807  
**Tuan Ignatius Dorell Leiking [ Penampang ]** minta **MENTERI KEWANGAN** menyatakan atas apakah alasan pembayaran RM26.7 juta setiap tahun sebagai Pembayaran Khas kepada Sabah melalui Artikel 112C / Artikel 112D / Bahagian IV Kurungan (2) Perlembagaan Persekutuan Malaysia telah dipersetujui (oleh Kerajaan Sabah) dan adakah jumlah itu akan dinaikkan kepada jumlah yang sepatutnya (mengikut 2/5 daripada kutipan cukai yang datang dari Sabah).
29. PR-1351-L00091  
**Tan Sri Datuk Seri Panglima Joseph Pairin Kitingan [ Keningau ]** minta **MENTERI PENDIDIKAN** menyatakan apakah tindakan yang telah diambil oleh Kementerian bagi menangani masalah murid-murid sekolah yang terlibat dalam pengambilan bahan larangan seperti dadah, syabu dan juga gam.
30. PR-1351-L01252  
**Tuan Ramkarpal Singh A/L Karpal Singh [ Bukit Gelugor ]** minta **PERDANA MENTERI** menyatakan sama ada Kerajaan berniat untuk memperkenalkan Daftar Pesalah Seksual (Sexual Offenders Registry) dan langkah-langkah yang akan diambil untuk tujuan tersebut.
31. PR-1351-L00797  
**Ust Dato' Dr. Mohd Khairuddin Bin Aman Razali [ Kuala Nerus ]** minta **MENTERI SUMBER ASLI DAN ALAM SEKITAR** menyatakan langkah-langkah penyelesaian bagi menangani masalah hakisan pantai di Kuala Nerus khususnya Pantai Mengabang Telipot yang dibina struktur lapis lindung batu (rock revetment) telah menyebabkan hakisan lebih teruk berlaku di pantai seterusnya di sebelah utara.

32. PR-1351-L00595  
**Tuan Nga Kor Ming [ Taiping ]** minta **MENTERI KEWANGAN** menyatakan apakah tindakan dan rancangan Kerajaan untuk memulihkan mata wang Ringgit yang nilainya telah merosot secara ketara sehingga ia menjadi mata wang yang mengalami kejatuhan paling teruk di Asia sejak 2014.
33. PR-1351-L00518  
**Dato' Mohd Ariff Sabri Bin Abdul Aziz [ Raub ]** minta **PERDANA MENTERI** menyatakan :-
- (a) semasa menyenaraikan FGV, berapakah wang yang diperolehi oleh FELDA; dan
  - (b) bagaimana hasil apungan diagihkan; yakni berapa jumlah dan kepada siapa.
34. PR-1351-L00761  
**Tuan Idris Bin Ahmad [ Bukit Gantang ]** minta **MENTERI PERTANIAN DAN INDUSTRI ASAS TANI** menyatakan apakah langkah yang diambil oleh Kementerian untuk menggalak belia terlibat di dalam sektor pertanian memandangkan industri ini semakin tidak diminati oleh generasi muda.
35. PR-1351-L00443  
**Tuan Budiman Bin Mohd Zohdi [ Sungai Besar ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah perkembangan terkini cadangan bagi menyelaraskan kuota dan harga rumah mampu milik di seluruh negara.
36. PR-1351-L00981  
**Dato' Haji Mahfuz Bin Haji Omar [ Pokok Sena ]** minta **MENTERI LUAR NEGERI** menyatakan apakah langkah-langkah yang diambil oleh Wisma Putra untuk membersihkan nama Malaysia daripada tuduhan-tuduhan yang dibuat oleh majalah luar negara seperti The Time Magazine, The Economist dan International Website Foreignpolicy.com yang menyenaraikan Malaysia sebagai negara terburuk mengamal rasuah. Apakah tindakan undang-undang telah diambil.
37. PR-1351-L00529  
**Dato' Sri Wee Jeck Seng [ Tanjong Piai ]** minta **MENTERI PELANCONGAN DAN KEBUDAYAAN** menyatakan adakah Kementerian akan memperkemaskan permohonan lesen bagi perniagaan penginapan perkampungan atau homestay bagi mengalakkan pengusaha penginapan perkampungan menjalankan perniagaan dengan lesen sah.
38. PR-1351-L00493  
**Tuan Wong Chen [ Kelana Jaya ]** minta **PERDANA MENTERI** menyatakan kriteria-kriteria dan garis panduan senarai pesalah laku seksual memandangkan senarai tersebut perlu diwujudkan dengan segera.



39. PR-1351-L01100  
**Dato' Sri Ikmal Hisham Bin Abdul Aziz [ Tanah Merah ]** minta **MENTERI DALAM NEGERI** menyatakan setakat ini berapa ramaiakah rakyat Malaysia yang terlibat dengan gerakan DAESH dan apakah usaha yang dilakukan oleh Kementerian dalam usaha mengekang gejala ini.
40. PR-1351-L00615  
**Tuan M. Kulasegaran [ Ipoh Barat ]** minta **PERDANA MENTERI** menyatakan :-
- (a) berapakah jumlah wang yang diperuntukkan untuk penyelidikan dan perunding-perunding dalam dan asing untuk membuka semula kes Pedra Branca terhadap Singapura; dan
  - (b) apakah maklumat terkini mengenai kes ini.
41. PR-1351-L00180  
**Dr. Tan Seng Giaw [ Kepong ]** minta **MENTERI DALAM NEGERI** menyatakan keadaan jenayah siber di Malaysia dan langkah-langkah bagi mencegahnya.
42. PR-1351-L01322  
**Tuan Fong Kui Lun [ Bukit Bintang ]** minta **MENTERI PERDAGANGAN ANTARABANGSA DAN INDUSTRI** menyatakan sejak Presiden Amerika Syarikat, Mr Donald Trump menarik balik penyertaan Amerika Syarikat dalam perjanjian TPPA, apakah kesan ke atas perdagangan Malaysia dari segi eksport, import dan pelaburan dari Negara tersebut.
43. PR-1351-L01189  
**Dato' Sri Dr. Muhammad Leo Michael Toyad Abdullah [ Mukah ]** minta **MENTERI KOMUNIKASI DAN MULTIMEDIA** menyatakan apakah status terkini Zon Perdagangan Bebas Digital yang bertujuan sebagai langkah bagi menggalakkan penyertaan lebih ramai pihak dalam sektor e-dagang negara selaras dengan gagasan Transformasi Nasional 2050 (TN50).
44. PR-1351-L00547  
**Dato' Kamarul Baharin Bin Abbas [ Telok Kemang ]** minta **PERDANA MENTERI** menyatakan rancangan Kerajaan untuk menubuhkan Pusat Prasarana Kritikal Negara (Centre of National Critical Infrastructure) yang berfungsi menyelia aset-aset utama negara dan menilai sebarang risiko yang berkaitan keselamatan negara memandangkan negara-negara lain sangat berhati-hati apabila ia melibatkan syarikat asing memperoleh kawalan ke atas prasarana kritikal seumpama bekalan elektrik, air, telekomunikasi, sumber asli dan lain-lain.

45. PR-1351-L01111  
**Tuan Gooi Hsiao- Leung [ Alor Setar ]** minta **MENTERI BELIA DAN SUKAN** menyatakan sekiranya ada bantuan kewangan yang disalurkan kepada negeri Kedah dalam 2016 dan 2017 oleh kerajaan Persekutuan untuk menjalankan kerja-kerja penyelenggaraan dan naik-taraf yang sangat diperlukan untuk Stadium Darul Aman, Alor Setar, dan sekiranya tidak, untuk menjelaskan alasan-alasannya.
46. PR-1351-L00382  
**Datin Mastura Binti Mohd Yazid [ Kuala Kangsar ]** minta **MENTERI KERJA RAYA** menyatakan apakah Kementerian sudah mengkaji jalan susur tol di Perhentian Menora - Kuala Kangsar di Lebuhraya PLUS yang pernah dipohon 2 tahun lepas.
47. PR-1351-L00287  
**Ir. Shaharuddin Bin Ismail [ Kangar ]** minta **MENTERI BELIA DAN SUKAN** menyatakan pendirian Kementerian ke atas gejala rasuah dalam bidang kesukuan terutama sekali gejala ini melibatkan kalangan pegawai atasan dan apakah langkah-langkah yang perlu diambil bagi menghapuskan gejala ini.
48. PR-1351-L00356  
**Datuk Hajah Norah Binti Abd Rahman [ Tanjung Manis ]** minta **MENTERI PERTANIAN DAN INDUSTRI ASAS TANI** menyatakan apakah perancangan Kementerian untuk memajukan industri laut dalam di Tanjung Manis memandangkan Kompleks LKIM di Tanjung Manis tidak mempunyai kemudahan yang mencukupi untuk mendaratkan hasil perikanan menyebabkan tangkapan ikan tersebut dijual di tengah laut.
49. PR-1351-L00463  
**Dato' Kamarudin Bin Jaffar [ Tumpat ]** minta **MENTERI PERTAHANAN** menyatakan matlamat sebenar lawatan oleh Panglima Angkatan Tentera Malaysia ke Myanmar pada Disember 2017.
50. PR-1351-L00546  
**Dato' Abd Aziz Bin Sheikh Fadzir [ Kulim Bandar Baru ]** minta **MENTERI PERTANIAN DAN INDUSTRI ASAS TANI** menyatakan langkah drastik diambil Kerajaan dalam mengurangkan bilangan import makanan berjumlah RM45.4 bilion pada 2015 dapat dikurangkan pada masa akan datang serta nyatakan program yang dilaksanakan Kerajaan terutamanya dalam menghasilkan produk makanan tersendiri di tanah-tanah terbiar dalam negara.
51. PR-1351-L00057  
**Datuk Wilson Ugak Anak Kumbong [ Hulu Rajang ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan adakah pihak Kementerian bercadang untuk membina satu balai bomba di daerah kecil Sungai Asap.

52. PR-1351-L00736  
**Dato' Dr. Nik Mazian Bin Nik Mohamad [ Pasir Puteh ]** minta **MENTERI PEMBANGUNAN WANITA, KELUARGA DAN MASYARAKAT** menyatakan statistik kes-kes penderaan ke atas wanita/isteri sejak tahun 2010 sehingga kini dan berapakah kos yang telah dibelanjakan bagi menyelesaikan masalah ini.
53. PR-1351-L01263  
**Datuk William @ Nyallau Anak Badak [ Lubok Antu ]** minta **PERDANA MENTERI** menyatakan berapa jumlah peruntukan telah disalurkan kepada kerajaan Sarawak untuk tujuan kegunaan menyukat tanah (perimeter survey) NCR dan berapakah luasnya yang berjaya siap dan diwartakan.
54. PR-1351-L01299  
**Dato' Abdullah Sani Bin Abdul Hamid [ Kuala Langat ]** minta **PERDANA MENTERI** menyatakan peratus pengangguran yang berlaku pada tahun 2016 dan kerangka untuk menyelesaikan isu ini.
55. PR-1351-L00645  
**Tuan Sim Chee Keong [ Bukit Mertajam ]** minta **MENTERI DALAM NEGERI** menyatakan penjelasan kepada laporan media pada 2015 yang mendedahkan satu laporan Cawangan Khas yang menyatakan bahawa 80% penguat kuasa sempadan terlibat dalam rasuah.
56. PR-1351-L00199  
**Tuan Wong Tien Fatt @ Wong Nyuk Foh [ Sandakan ]** minta **PERDANA MENTERI** menyatakan apakah prosedur operasi standard (SOP) bagi agensi APMM apabila suatu kes kecemasan seperti bot karam yang berlaku di perairan Kota Kinabalu pada 28 Januari 2017. Siapa harus bertanggungjawab kepada tragedi tersebut dan apakah pampasan yang akan diberi kepada mangsa-mangsa.
57. PR-1351-L00947  
**Dr. Hajah Siti Mariah Binti Mahmud [ Kota Raja ]** minta **MENTERI PENDIDIKAN** menyatakan pendirian Kerajaan mengenai “(home schooling)” di negara kita.
58. PR-1351-L01075  
**Puan Hajah Fuziah Binti Salleh [ Kuantan ]** minta **MENTERI SUMBER ASLI DAN ALAM SEKITAR** menyatakan sama ada Malaysian Timber Certification Council (MTCC) telah berjaya melaksanakan prinsip dan syarat yang digariskan di dalam 'Sustainable Forest Management Plan'. Sekiranya ya, pohon penjelasan lanjut bagaimana ianya dilaksanakan.

59. PR-1351-L00893  
**Tuan Haji Nasrudin Bin Hassan [ Temerloh ]** minta **MENTERI PEMBANGUNAN WANITA, KELUARGA DAN MASYARAKAT** menyatakan sejauh mana Majlis Kebajikan dan Pembangunan Masyarakat atau MAYANG masih berfungsi dan berapakah peruntukan yang telah disalurkan kepada badan tersebut setiap tahun.
60. PR-1351-L00719  
**Puan Teresa Kok Suh Sim [ Seputeh ]** minta **MENTERI WILAYAH PERSEKUTUAN** menyatakan sebab DBKL hanya membenarkan 10 kontraktor perangkap gris untuk berdaftar menjalankan perkhidmatan kepada restoran di Kuala Lumpur. Bilakah DBKL akan membenarkan lebih kontraktor perangkap gris untuk membentangkan permohonan mereka.
61. PR-1351-L01294  
**Dato' Ngeh Koo Ham [ Beruas ]** minta **PERDANA MENTERI** menyatakan kenapa penganugerahan kontrak pembinaan projek East Coast Rail Line kepada syarikat atau Kerajaan Negara China tidak dibuat secara tender terbuka.
62. PR-1351-L01245  
**Tuan Julian Tan Kok Ping [ Stampin ]** minta **MENTERI PENGANGKUTAN** menyatakan jumlah syarikat penerbangan antarabangsa yang beroperasi di Kuching International airport. Senaraikan secara terperinci, nama syarikat berserta dengan "flight schedule" serta secara terperinci kos-kos serta jenis kos yang akan dikenakan terhadap syarikat tersebut. Nyatakan jika ada, insentif mahupun perjanjian yang wujud bagi menggalakkan operasi tersebut. Apakah sebab utama Hong Kong Airline membatalkan operasi mereka dalam jangka masa kurang daripada setahun.
63. PR-1351-L01204  
**Dato' Johari Bin Abdul [ Sungai Petani ]** minta **MENTERI PENGANGKUTAN** menyatakan berapakah kematian akibat kemalangan jalan raya pada tahun 2010 hingga 2016 dan adakah Kerajaan akan menghapuskan Ujian Berkomputer kepada calon-calon yang memohon lesen memandu kerana ujian ini mahal dan tidak membantu mengurangkan kadar kemalangan di jalan raya.
64. PR-1351-L00239  
**Tuan William Leong Jee Keen [ Selayang ]** minta **PERDANA MENTERI** menyatakan tindakan yang diambil oleh Suruhanjaya Pengangkutan Awam Darat (SPAD) untuk mengawal selia tambang yang dikenakan oleh Uber dan GrabCar serta mengenakan tambang minima, demi melindungi pendapatan para pemandu dan memastikan persaingan yang adil dengan teksi.

65. PR-1351-L00697  
**Datuk Mohd Idris Bin Jusi [ Batu Pahat ]** minta **PERDANA MENTERI** menyatakan jumlah golongan muda muflis, jumlah modal terlibat, kenapa ianya berlaku dan apakah rancangan dan langkah-langkah bagi menangani gejala tersebut.
66. PR-1351-L01287  
**Tuan Chua Tian Chang @ Tian Chua [ Batu ]** minta **MENTERI PENGANGKUTAN** menyatakan mengapa “Dego Ride Sharing” tidak dibenarkan untuk beroperasi tanpa kelulusan manakala GrabCar dibenarkan beroperasi sementara masih menunggu SPAD menyediakan panduan dan pindaan undang-undang.
67. PR-1351-L91381  
**Datuk Seri Panglima Haji Abdul Ghapur Bin Salleh [ Kalabakan ]** minta **MENTERI PENGANGKUTAN** menyatakan :-
- (a) apakah Kementerian mempunyai statistik mengenai berapa peratus pemandu kenderaan di negara ini yang memandu tanpa memiliki lesen memandu dan berapa peratus pula yang mempunyai isu dengan pihak berkuasa kerana kesalahan jalan raya tetapi masih memandu; dan
  - (b) apakah Kementerian sedar bahawa kos untuk mendapatkan lesen memandu jauh dari kemampuan kebanyakan rakyat khususnya anak muda dan golongan berpendapatan rendah.
68. PR-1351-L(5)01390  
**Tuan Lim Lip Eng [ Segambut ]** minta **MENTERI DALAM NEGERI** menyatakan status repot polis bernombor DANG WANGI/003253/17 berhubung dakwaan seorang Menteri bahawa orang Melayu tidak dipedulikan di Pulau Pinang dan cara pembangunan di Pulau Pinang adalah untuk satu-satu kaum sahaja.

[ Pertanyaan di bawah PM.22(5) ]

**PADA PERMULAAN URUSAN MESYUARAT**  
**MENGEMUKAKAN RANG UNDANG-UNDANG KERAJAAN**  
**UNTUK BACAAN KALI YANG PERTAMA**

**1. Menteri Perdagangan Antarabangsa Dan Industri**

- \* Rang Undang-Undang Perdagangan Strategik (Pindaan) 2017

**2. Menteri Pendidikan Tinggi**

- \* Rang Undang-Undang Institusi Pendidikan Tinggi Swasta (Pindaan) 2017

---

\* Menandakan bahawa Rang Undang-undang ini akan dibawa pada semua peringkat di mesyuarat ini.

### **ATURAN URUSAN MESYUARAT DAN USUL-USUL**

1. **Usul dibuat oleh Yang Berhormat Datuk Liang Teck Meng [ Simpang Renggam ] dan masalah dicadangkan :-**

“ Bahawa suatu ucapan yang tidak sepatunya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Kelima, Parlimen Yang Ketiga Belas.”

**Menyambung semula Perbahasan atas masalah (15 Mac, 2017)**

2. (D.R. 13/2016) Rang Undang-undang Mahkamah **Bacaan Kali**  
(Kaedah-Kaedah Pemulaan Tindakan Sivil) **Yang Kedua**  
2016  
  
**[ Menteri di Jabatan Perdana Menteri ]**
3. (D.R. 21/2016) Rang Undang-undang Kebankrapan “  
(Pindaan) 2016  
  
**[ Menteri di Jabatan Perdana Menteri ]**
4. (D.R. 20/2016) Rang Undang-undang Membaharui “  
Undang-undang (Perkahwinan dan  
Perceraian) (Pindaan) 2016  
  
**[ Menteri di Jabatan Perdana Menteri ]**
5. (D.R. 25/2016) Rang Undang-undang Setem (Pindaan) “  
2016.  
  
**[ Menteri Kewangan ]**
6. (D.R. 1/2017) Rang Undang-Undang Timbang dan Sukat “  
(Pindaan) 2017  
  
**[ Menteri Perdagangan Dalam Negeri,  
Koperasi dan Kepenggunaan ]**

7. **Dato' Seri Abdul Hadi bin Awang [ Marang ] akan mencadangkan:-**

“Bahawa Dewan ini memberikan kebenaran menurut Peraturan Mesyuarat 49 (1) kepada Yang Berhormat Ahli bagi kawasan Marang untuk mencadangkan suatu Rang Undang-undang Ahli Persendirian bernama Rang Undang-undang Mahkamah Syariah (Bidang Kuasa Jenayah) (Pindaan) 2016 seperti berikut:-

**Pindaan Seksyen 2**

Akta Mahkamah Syariah (Bidang Kuasa Jenayah) 1965 [ Akta 355 ] dipinda dalam proviso kepada seksyen 2 dengan menggantikan perkataan “***penjara selama tempoh melebihi tiga tahun atau denda melebihi lima ribu ringgit atau sebatan melebihi enam kali*** “ dengan perkataan “***penjara selama tempoh melebihi tiga puluh tahun atau denda melebihi satu ratus ribu ringgit atau sebatan satu ratus kali sebagaimana ditadbir selaras dengan tatacara jenayah Syariah***”.

**[ Menteri di Jabatan Perdana Menteri ]**

8. PR-1351-U(27)002

**Dr. Tan Seng Giaw [ Kepong ] akan mencadangkan :-**

Bahawa Dewan ini membahaskan masalah akibat penarikan Amerika Syarikat daripada TPPA.

**[ Menteri Perdagangan Antarabangsa Dan Industri ]**

9. PR-1351-U(27)003

**Datuk Dr. Makin @ Marcus Mojigoh [ Putatan ] akan mencadangkan :-**

“Bahawa Dewan ini mengambil maklum bahawa, pertumbuhan penduduk di daerah Putatan adalah begitu mendadak sekali dan ditokok tambah dengan pembangunan infrastruktur yang rancak seiring dengan statusnya sebagai satu daripada daerah yang rancak membangun di negeri Sabah khususnya.

Dan mengambil maklum juga bahawa, dewasa ini, isu masalah sosial, keselamatan sosial serta ketenteraman sosial menjadi topik bualan harian di kalangan warga Putatan. Setiap hari ketiga-tiga topik ini akan kedengaran malah menjadi kegusaran bagi warga Putatan kerana kehadiran anggota keselamatan yang amat kurang disebabkan cadangan pewujudan dan pembinaan ibu pejabat polis daerah Putatan telah lama tertangguh.

Dan mengambil maklum juga bahawa ketika ini, isu masalah sosial, keselamatan sosial serta ketenteraman sosial di Putatan adalah di bawah pentadbiran Ibu Pejabat Polis Daerah Penampang serta sebahagiannya di bawah pentadbiran Ibu Pejabat Polis Daerah Kota Kinabalu.



Mengambil maklum juga bahawa untuk menangani masalah sosial, keselamatan sosial serta ketenteraman sosial di daerah Putatan, hanya sebuah balai polis yang dianggotai kurang daripada 22 anggota dengan kelengkapan yang serba kekurangan, terpaksa berhempas pulas untuk menjaga daerah Putatan dengan keluasan 30km persegi dan berkepadatan penduduk melebihi 100 ribu orang.

Dan mengambil maklum juga bahawa, apabila berlakunya sesuatu jenayah atau kecemasan, ada kalanya ketibaan anggota keselamatan itu agak lewat kerana jarak tempat kejadian dengan IPD Penampang atau IPD Kota Kinabalu agak jauh dan mengambil masa untuk tiba.

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan haruslah dengan segera meluluskan penubuhan dan pembinaan IPD Putatan lengkap dengan perjawatannya”.

**[ Menteri Dalam Negeri ]**

10. PR-1351-U(27)004

**Datuk Dr. Makin @ Marcus Mojigoh [ Putatan ]** akan mencadangkan :-

"Bahawa Dewan ini mengambil maklum bahawa Perkara 11 Perlembagaan Persekutuan Malaysia memberikan semua rakyatnya kebebasan beragama.

Dan mengambil maklum juga bahawa Perkara 8 Perlembagaan Persekutuan Malaysia menjamin kesamarataan hak untuk warganya bagi menjalani kehidupan harian mereka.

Dan mengambil maklum juga bahawa, Malaysia sebagai negara peneraju gerakan kesederhanaan global di bawah pimpinan YAB. Perdana Menteri, telah berjaya memahat nama di persada antarabangsa di mana Malaysia menjadi model penerimaan kepelbagaian agama dan kaum sebagai sumber kekuatannya.

Dan mengambil maklum juga bahawa, konsep penerimaan kepelbagaian agama dan bangsa melalui Gagasan 1Malaysia adalah model yang terbaik dalam mewujudkan keharmonian, kemakmuran dan perpaduan di negara ini.

Dan mengambil maklum juga bahawa Kerajaan pimpinan YAB. Perdana Menteri berjanji melalui manifesto Barisan Nasional pada PRU ke-13, untuk menyediakan lebih banyak bantuan kewangan kepada institusi-institusi agama berdaftar dan rumah-rumah ibadat.

Dan mengambil maklum dan contoh, bahawa Kerajaan Negeri Sabah dan Sarawak juga telah menyediakan dana khas dalam bajet tahunan mereka bagi maksud bantuan kewangan kepada institusi-institusi agama berdaftar dan rumah-rumah ibadat di negeri Sabah dan Sarawak.

Maka, bagi memenuhi aspirasi di atas dan rakyat bukan Islam khususnya, Dewan yang mulia ini hendaklah mengambil ketetapan bahawa Kerajaan Malaysia hendaklah menyediakan satu jumlah khas (dana) dalam bajet tahunan negara, bagi aktiviti institusi-institusi agama berdaftar dan rumah-rumah ibadat (bukan Islam)."

**[ Perdana Menteri ]**

11. PR-1351-U(27)005

**Datuk Dr. Makin @ Marcus Mojigoh [ Putatan ]** akan mencadangkan :-  
"Bahawa Dewan ini mengambil maklum bahawa, Orang Asli yang terdiri daripada suku Semang (Negrito), Senoi dan Proto Malay adalah Orang Asli yang tinggal di Semenanjung Malaysia dan juga merupakan penghuni tertua di Semenanjung Malaysia.

Dan mengambil maklum juga bahawa, walaupun Orang Asli adalah merupakan penduduk asli Semenanjung Malaysia dan disebut sebagai "Bumiputera", namun mereka tidak menikmati keistimewaan yang diberikan kepada kaum Melayu dan Bumiputera negeri Sabah dan Sarawak di mana mereka tidak diiktiraf sebagai Bumiputera di bawah Perkara 153 Perlembagaan Persekutuan Malaysia.

Dan mengambil maklum juga bahawa, walaupun Jabatan Hal Ehwal Orang Asli (JHEOA) telah ditubuhkan pada tahun 1954 dan pindaan ke atas beberapa akta, seperti Akta Orang Asli 1954 telah dibuat bagi membolehkan dan meningkatkan sosio budaya dan ekonomi Orang Asli, namun kedudukan mereka tidak banyak berubah disebabkan status kedudukan mereka dalam Perlembagaan negara adalah kurang jelas.

Dan mengambil maklum juga bahawa, sesuai dengan konsep 1Malaysia yang diterajui oleh YAB. Perdana Menteri, kedudukan Orang Asli di negara ini hendaklah diterima semua dan diberikan hak dan layanan sama rata.

Dan mengambil maklum juga bahawa Perkara 8 Perlembagaan Persekutuan Malaysia menjamin kesamarataan hak untuk warganya bagi menjalani kehidupan harian mereka, termasuklah kaum Orang Asli.

Maka, bagi menangani kepincangan ini, Dewan ini hendaklah mengambil ketetapan bahawa, Perkara 153 Perlembagaan Persekutuan Malaysia serta perkara-perkara yang berkaitan, hendaklah dipinda bagi membolehkan Orang Asli dikategorikan sebagai Bumiputera dan diberikan hak Bumiputera, seiringan dengan orang-orang Melayu dan kaum Bumiputera Sabah dan Sarawak."

**[ Perdana Menteri ]**

12. PR-1351-U(27)006

**Datuk Dr. Makin @ Marcus Mojigoh [ Putatan ]** akan mencadangkan :-

“Bahawa Dewan ini mengambil maklum bahawa, masalah setinggan di bandar adalah masalah yang saban hari makin meningkat kerana migrasi dari luar bandar ke bandar, terutama sekali untuk tujuan mencari pekerjaan.

Dewan ini hendaklah juga mengambil maklum bahawa migran ekonomi yang berpindah daripada luar bandar ke bandar ini adalah dari golongan yang kurang berkemampuan/berpendapatan rendah dan mereka tidak mampu untuk membeli atau memiliki rumah-rumah yang dibina oleh pihak pemaju atau PR1MA yang ada pada ketika ini, di mana kebanyakan mereka ini hanya mampu untuk membayar kadar sewaan di bawah RM350 sebulan.

Dan mengambil maklum juga bahawa, matlamat Kerajaan mensasarkan sifar setinggan terutama sekali di kawasan bandar adalah agak sukar untuk dicapai selagi masalah perumahan bagi migran yang dimaksudkan di atas tidak ditangani secara tuntas.

Dan mengambil maklum juga bahawa, Program Perumahan Rakyat (PPR) yang dahulunya untuk sewaan tanpa had masa dilihat sebagai satu langkah alternatif bagi mengatasi masalah setinggan di bandar dan sekali gus memberikan kumpulan sasar untuk menduduki rumah yang agak selesa. Tetapi malangnya, status PPR tersebut telah dipinda kepada status rumah transit untuk pendudukan untuk tempoh tidak melebihi lima (5) tahun.

Dan mengambil maklum juga bahawa Program Perumahan Rakyat atau PPR yang ada sekarang ini merupakan sumber alternatif bagi mengatasi masalah setinggan di bandar di mana rumah-rumah PPR ini diubah syarat daripada sewaan kepada sewa beli bagi membolehkan mereka yang dimaksudkan di atas untuk akhirnya memiliki rumah mereka sendiri.

Maka, bagi menangani masalah setinggan bandar dan kekurangan perumahan untuk golongan kurang mampu, Dewan ini hendaklah mengambil ketetapan bahawa Kerajaan hendaklah meminda syarat pendudukan rumah PPR di seluruh negara daripada bulanan kepada syarat sewa-beli.”

**[ Menteri Kesejahteraan Bandar, Perumahan Dan Kerajaan Tempatan ]**

13. PR-1351-U(27)007

**Datuk Dr. Makin @ Marcus Mojigoh [ Putatan ]** akan mencadangkan :-

“Bahawa Dewan ini mengambil maklum bahawa Chinese Independent School di Malaysia menjalankan taksiran peperiksaan persekolahan mereka melalui sijil yang dikenali sebagai Unified Examination Certificate (UEC) yang mana dibahagikan kepada tiga peringkat iaitu Unified Examination Certificate - Junior Middle (UEC-JML), Unified Examination Certificate Vocational (UEC-V) dan Unified Examination Certificate Senior Middle (UEC-SML).

Dan mengambil maklum juga bahawa, persijilan UEC telah pun diguna pakai dalam persekolahan oleh United Chinese School Committees Association of Malaysia sejak ianya diperkenalkan pada tahun 1975.

Dan mengambil maklum juga bahawa sijil UEC yang diperkenalkan oleh UCSCAM ini telah diiktiraf oleh universiti di serata negara seperti di United Kingdom, Amerika Syarikat, Taiwan, Hong Kong, China, Australia, Kanada, Singapura dan lain-lain negara.

Dan mengambil maklum juga bahawa malangnya, Kementerian Pendidikan dan Kementerian Pendidikan Tinggi Malaysia atau secara khususnya, Lembaga Akreditasi Negara tidak mengiktiraf sijil UEC ini terutama sekali bagi kemasukan ke universiti awam Malaysia, walau pun National University of Singapore yang berkedudukan tempat keempat universiti terbaik di dunia mengiktiraf sijil UEC ini.

Dan mengambil maklum juga bahawa dengan ketiadaan pengiktirafan yang dimaksudkan di atas, negara Malaysia secara tidak langsung mengalami kerugian yang besar di mana pemegang sijil UEC ini terpaksa meneruskan pendidikan tinggi mereka di luar negara di mana aliran wang keluar daripada negara ini dan juga kecenderungan lepasan sijil UEC ini untuk terus bekerja di luar negara adalah tinggi, di mana dalam hal ini negara Malaysia akan kerugian "aliran keluar" tenaga mahir ke luar negara.

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan haruslah dengan segera mengiktiraf Sijil Unified Examination Certificate bagi manfaat negara."

#### **[ Menteri Pendidikan ]**

14. PR-1351-U(27)008

**Datuk Dr. Makin @ Marcus Mojigoh [ Putatan ]** akan mencadangkan :-  
"Bahawa Dewan ini mengambil maklum bahawa kesan pemanasan global dan perubahan cuaca kini menjadi topik perbualan harian di seluruh pelosok dunia di mana ianya bukan lagi satu fenomena tetapi telah menjadi realiti yang mana setiap warga dunia mempunyai tanggungjawab untuk sama-sama melaksanakan langkah-langkah mitigasi bagi mengurangkan impaknya ke atas kehidupan manusia.

Dan mengambil maklum juga bahawa salah satu penyebab utama kedua-dua masalah di atas adalah akibat daripada kesan penebangan pokok-pokok disebabkan aktiviti ekonomi seperti pembukaan ladang dan sebagainya.

Dan mengambil maklum juga bahawa pihak berkuasa tempatan berperanan untuk mengambil bahagian dalam usaha untuk langkah mitigasi bagi mengatasi kedua-dua masalah di atas walaupun dalam bentuk kecil, dengan menanam lebih banyak pokok-pokok di seluruh kawasan seliaan mereka.

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah meminta pihak berkuasa tempatan untuk segera menanam lebih banyak pokok-pokok di kawasan di bawah seliaan mereka di samping memperbanyakkan kempen menanam pokok untuk menyemai budaya menanam pokok di kalangan rakyat setempat.”

**[ Menteri Sumber Asli Dan Alam Sekitar ]**

15. PR-1351-U(27)009

**Datuk Dr. Makin @ Marcus Mojigoh [ Putatan ]** akan mencadangkan :-  
 “Bahawa Dewan ini mengambil maklum bahawa, bagi kawasan Dewan Undangan Negeri N.18 Petagas (Parlimen P.173 Putatan), hanya terdapat sebuah sekolah menengah sahaja iaitu Sekolah Menengah Kerajaan (SMK) Tansau, Putatan untuk menampung murid-murid keluaran lima (5) buah sekolah rendah yang terletak di kawasan yang sama.

Dan mengambil maklum juga bahawa, kerana kekurangan tempat di sekolah menengah, ramai murid daripada kawasan Dewan Undangan Negeri N.18 Petagas terpaksa meneruskan persekolahan menengah mereka di sekolah menengah di kawasan Dewan Undangan Negeri N.16 Luyang, N.17 Tanjong' Aru, N.19 Kapayan dan N.20 Moyog, di mana sekali gus meningkatkan kos persekolahan mereka daripada segi kos pengangkutan dan menyebabkan ketidakselesaan hidup rakyat.

Dan mengambil maklum juga bahawa cadangan pembinaan Sekolah Menengah Kerajaan (SMK) Petagas telah pun dirancang sejak Rancangan Malaysia Ke-Sembilan (RMK9) lagi dan disenaraikan semula dalam Rancangan Malaysia Ke-Sebelas (RMK11), namun sehingga kini belum terdapat sebarang keputusan tetap bagi permasalahan ini walau pun tapak bagi Sekolah Menengah Petagas serta infrastruktur asas seperti jalan raya telah pun tersedia.

Maka, bagi menangani masalah ini dan mendahulukan rakyat, Dewan yang mulia ini hendaklah mengambil ketetapan bahawa Sekolah Menengah Kerajaan (SMK) Petagas hendaklah dibina dan disiapkan dalam tempoh terdekat seperti yang telah dirancang terdahulu.”

**[ Menteri Pendidikan ]**

16. PR-1351-U(27)010

**Dato' Kamarudin Bin Jaffar [ Tumpat ]** akan mencadangkan :-

“Bahawa Dewan ini mengambil maklum akan cadangan untuk pembangunan semula kawasan Rumah Pangsa Sri Labuan dan pembangunan semula Zon 1 yang melibatkan Rumah Pangsa Sri Melaka, Sri Johor, Ikan Emas dan Sri Pulau Pinang di dalam kawasan Parlimen Bandar Tun Razak.

Dewan ini juga mengambil maklum kegelisahan majoriti penghuni di perumahan-perumahan yang terlibat akan masa depan mereka akibat daripada cadangan ini.

Maka Dewan ini mengambil kira suasana ini dan memutuskan bahawa segala cadangan pembangunan semula oleh Kementerian Wilayah Persekutuan di kawasan tersebut hendaklah mengambil kira perkara-perkara berikut:

- i. Mengadakan perbincangan dengan semua penghuni, iaitu pemilik dan penyewa selain daripada wakil-wakil blok dan persatuan-persatuan mereka;
- ii. Pihak DBKL mestilah dilibatkan dalam semua perbincangan dan keputusan, selain daripada pihak Kementerian;
- iii. Pemilihan pemaju mestilah ditentukan secara tender terbuka supaya penghuni dan pembeli mendapat tawaran terbaik; dan
- iv. Semua aspek pembangunan mestilah memberikan keselesaan kepada penghuni dengan mengambil kira ciri-ciri berikut:
  - a. .Kepadatan setiap blok,
  - b. .Keluasan unit
  - c. .Kualiti pembinaan lif dan bahan binaan,
  - d. .Kemampuan membayar yuran penyelenggaraan oleh pemilik selepas

**[ Menteri Wilayah Persekutuan ]**

17. PR-1351-U(27)011

**Dato' Kamarudin Bin Jaffar [ Tumpat ]** akan mencadangkan :-

“Bahawa Dewan ini mengambil maklum dengan penuh kebimbangan akan pergolakan politik antarabangsa mutakhir ini yang mempamerkan satu suasana ketidakstabilan hubungan antarabangsa yang amat kritikal. Dewan juga memerhatikan dengan penuh kerisauan lagak politik Amerika Syarikat di bawah Presiden Trump, politik Eropah ekoran keputusan Brexit oleh Britain, politik Russia oleh Presiden Putin yang antara lain telah mengakibatkan Ukraine diceroboh dan penembakan pesawat MH17, dan lebih dekat lagi, politik Republik Rakyat China yang menuntut sebahagian Lautan China Selatan sebagai wilayahnya.

Maka, sebagai satu langkah peringkat negara dan serantau untuk menghadapi krisis ini, Dewan ini memutuskan untuk mempertegaskan dan menggerakkan semula dengan sungguh-sungguh dasar Asia Tenggara sebagai satu rantau yang aman, bebas dan berkecuali atau ZOPFAN yang telah dipersetujui dan dimeterai pada 27 November 1971 oleh Malaysia, Indonesia, Filipina, Thailand dan Singapura.”

**[ Menteri Luar Negeri ]**

18. PR-1351-U(27)012

**Tuan Nga Kor Ming [ Taiping ]** akan mencadangkan :-

“Bahawa Dewan yang mulia ini meluluskan satu ketetapan supaya Laporan Ketua Audit Negara berkenaan dengan isu 1MDB (1Malaysia Development Bhd) di bentang dan dikemukakan untuk perbahasan di Dewan Rakyat dengan kadar segera.”

**[ Perdana Menteri ]**

19. PR-1351-U(27)013

**Tuan Nga Kor Ming [ Taiping ]** akan mencadangkan :-

“Bahawa Dewan yang mulia ini meluluskan satu ketetapan supaya YAB. Perdana Menteri dan seluruh anggota Menteri Kabinet mengisytiharkan harta dan aset mereka kepada Dewan Rakyat tiap-tiap tahun pada bulan Disember”.

**[ Perdana Menteri ]**

20. PR-1351-U(27)014

**Tuan Nga Kor Ming [ Taiping ]** akan mencadangkan :-

“Bahawa Dewan yang mulia ini meluluskan satu ketetapan supaya mengesyorkan kepada KBDYMM Seri Paduka Baginda Yang Dipertuan Agong untuk menubuhkan satu Suruhanjaya Diraja supaya menyiasat dan mengemukakan laporan siasatan terhadap skandal kewangan 1MDB dengan kadar segera.”

**[ Perdana Menteri ]**

21. PR-1351-U(27)015

**Tuan Nga Kor Ming [ Taiping ]** akan mencadangkan :-

“Bahawa Dewan yang mulia ini meluluskan satu ketetapan selaras dengan titah Majlis Raja-Raja Melayu di mana Akta Majlis Keselamatan Negara 2016 di bentang dan dikaji semula di Dewan Rakyat dengan kadar segera.”

**[ Perdana Menteri ]**

22. PR-1351-U(27)016

**Tuan Nga Kor Ming [ Taiping ]** akan mencadangkan :-

“Bahawa Dewan yang mulia ini meluluskan satu ketetapan supaya Sijil Peperiksaan Unified Examination Certificate (UEC) yang telah mendapat pengiktirafan antarabangsa diberi pengiktirafan penuh oleh Kerajaan Malaysia.”

**[ Menteri Pendidikan ]**

23. PR-1351-U(27)017

**Tuan Nga Kor Ming [ Taiping ]** akan mencadangkan :-

“Bahawa Dewan yang mulia ini meluluskan satu ketetapan secara sebulat suara selaras dengan semangat Perlembagaan Persekutuan tahun 1957 dan prinsip "one man, one vote", mana-mana persempadanan semula kawasan pilihan raya jumlah bilangan pengundinya tidak boleh melebihi perbezaan 15% di antara semua kawasan pilihan raya di negara ini.”

**[ Perdana Menteri ]**

24. PR-1351-U(27)018

**Tuan M. Kula Segaran A/L V. Murugeson [ Ipoh Barat ]** akan mencadangkan :-

“Bahawa Dewan ini mengambil maklum penubuhan entiti persendirian yang dikenali sebagai MyEG menduakan kerja Kementerian Dalam Negeri. MyEG sebagai satu agensi di antara Kementerian Dalam negeri dan orang awam adalah tidak diperlukan, membazirkan sumber-sumber dan mengenakan fi yang tidak berpatutan kepada orang awam. Penubuhan entiti ini mempersoal integriti Kerajaan dan menggalakkan amalan korupsi.”

**[ Menteri Dalam Negeri ]**

25. PR-1351-U(27)019

**Tuan Liew Chin Tong [ Kluang ]** akan mencadangkan :-

“Bahawa Dewan ini menggesa Kerajaan untuk mengumumkan laporan penuh Jawatankuasa Siasatan Bebas mengenai kejadian kebakaran Hospital Sultanah Aminah Johor Bahru pada 25 Oktober 2016 untuk makluman dan pengetahuan rakyat tentang punca-punca berlakunya kebakaran tersebut. Kerajaan juga didesak untuk menyatakan langkah-langkah yang akan diambil untuk mencegah dan mengelakkan tragedi kebakaran berulang lagi di mana-mana hospital atau pusat perubatan.”

**[ Menteri Kesihatan ]**



26. PR-1351-U(27)020

**Tuan Liew Chin Tong [ Kluang ]** akan mencadangkan :-

“Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi RM100 juta oleh Kementerian Pertahanan, mesti dibawa ke Parlimen di bahas dan diaudit oleh Jabatan Audit Negara supaya untuk syarat meneruskan pembelian ini. Ini juga bertujuan untuk mempertingkatkan integriti dan keberkesanan pembelian sistem pertahanan. Ini adalah diakibatkan oleh pembelian Kapal Selam Scorpene telah menimbulkan banyak persepsi negatif terhadap negara”.

**[ Perdana Menteri ]**

27. PR-1351-U(27)021

**Tuan Liew Chin Tong [ Kluang ]** akan mencadangkan :-

“Bahawa Dewan ini bersetuju mengurangkan peruntukan untuk JPM dan menyalurkan kepada peruntukan bagi hal ehwal pendidikan, pengangkutan awam, kesihatan dan kebajikan rakyat. Peruntukan untuk Jabatan Perdana Menteri telah dihadkan tahapnya pada tahun 2008 iaitu masing-masing sebanyak RM3.4 bilion bagi peruntukan pengurusan dan RM3.5 bilion untuk pembangunan. Ini membawa kepada jumlah keseluruhan sebanyak RM6.9 bilion. Berbanding 2017,

anggaran peruntukan pengurusan dan pembangunan telah melepasi tahap ditetapkan pada 2008 tersebut iaitu masing-masing sebanyak RM4.92 bilion dan RM11.019 bilion yang membawa kepada jumlah keseluruhan RM15.94 bilion”.

**[ Menteri Kewangan ]**

28. PR-1351-U(27)022

**Tuan Hee Loy Sian [ Petaling Jaya Selatan ]** akan mencadangkan :-

“Dewan ini mengambil maklum bahawa Bajet 2016 sebanyak RM50 juta yang diperuntukkan kepada SJK (C) tidak disalurkan pada tahun yang ditetapkan. Dewan yang mulia ini hendaklah mengambil ketetapan bahawa semua peruntukan bajet yang diluluskan di Parlimen haruslah disalurkan kepada pihak yang sewajarnya pada tahun yang berkenaan juga”.

**[ Menteri Kewangan ]**

29. PR-1351-U(27)023

**Tuan Hee Loy Sian [ Petaling Jaya Selatan ]** akan mencadangkan :-

“Dewan ini mengambil maklum bahawa banyak pengusaha teksi persendirian mahu pun berdaftar di bawah syarikat swasta menghadapi kesukaran dan ada yang terpaksa menutup operasi mereka.

Dewan ini juga mengambil maklum bahawa salah satu punca permasalahan ini adalah dengan kewujudan Uber dan GrabCar yang jauh lebih efisien daripada operasian mereka melalui penggunaan teknologi aplikasi dengan menggunakan telefon pintar. Maka dengan menyedari hakikat ini, Dewan yang mulia ini hendaklah membahaskan langkah-langkah strategik bagi menyelamatkan pengusaha teksi yang ada dalam menghadapi persaingan daripada Uber dan GrabCar ini”.

**[ Perdana Menteri ]**

30. PR-1351-U(27)024

**Tuan Hee Loy Sian [ Petaling Jaya Selatan ]** akan mencadangkan :-

“Bahawa Dewan ini menolak pembinaan jana kuasa tenaga nuklear di Malaysia yang akan memudaratkan alam sekitar sekiranya berlaku kecuaian dan bencana. Dewan ini juga haruslah membuat ketetapan bahawa sekiranya ia ingin tetap diteruskan harus mendapat referendum sokongan daripada rakyat”.

**[ Perdana Menteri ]**

31. PR-1351-U(27)025

**Dato' Johari Bin Abdul [ Sungai Petani ]** akan mencadangkan :-

“Bahawa Dewan ini mengambil maklum bahawa, lebih dari 200 ribu pelajar-pelajar setiap tahun akan menduduki peperiksaan SPM. Ada yang berjaya melanjutkan pelajaran ke tahap yang lebih tinggi dan ada yang gagal. Di sinilah jurang pemikiran akan berlaku. Yang berjaya mara terus dalam pelajaran akan mendapat pendedahan yang baik dan akan menjadi warga dan anak bangsa yang berguna kepada masyarakat. Tetapi yang gagal akan teraba-raba dan menanggung risiko terbabas dari landasan yang diharapkan.

Adalah dicadangkan semua pelajar lelaki lepasan SPM dimasukkan ke dalam Program Khas Khidmat Negara / National Service selama dua tahun. Enam bulan pertama dilatih dari segi fizikal dan mental serta ilmu kewarganegaraan. Selebihnya setahun setengah lagi mereka ditempatkan dalam Angkatan Tentera Malaysia atau PDRM. Sebaik sahaja mereka tamat menjalani penempatan di ATM atau PDRM mereka hendaklah digalakkan meneruskan pelajaran sama ada jurusan akademik atau vokasional mengikut kelayakan mereka. Dengan cara ini masalah remaja dapat dikurangkan walaupun tidak diselesaikan. Banyak negara-negara lain telah melaksanakan program ini dengan jayanya”.

**[ Menteri Pertahanan ]**

32. PR-1351-U(27)026

**Dato' Johari Bin Abdul [ Sungai Petani ]** akan mencadangkan :-

“Bahawa Dewan ini mengambil maklum bahawa, semangat kekitaan dan berpasukan hendaklah ditanam dalam jiwa setiap pelajar sekolah. Setiap pelajar di sekolah rendah atau menengah hendaklah diwajibkan menyertai satu pasukan beruniform dan mereka hendaklah mendapat didikan dari guru-guru yang terlatih dalam bidang-bidang tertentu yang berhubung dengan pasukan tersebut. Sehari dalam seminggu sekolah hendaklah memperuntukkan agar guru-guru dan pelajar-pelajar memakai uniform pasukan masing-masing ke sekolah. Dengan itu pelajar-pelajar akan merasa bangga dengan pasukan mereka dan ini akan membina semangat kekitaan di kalangan pelajar-pelajar dan guru-guru”.

**[ Menteri Pendidikan ]**

33. PR-1351-U(27)027

**Dato' Johari Bin Abdul [ Sungai Petani ]** akan mencadangkan :-

“Bahawa Dewan ini mengambil maklum bahawa, ramai ibu bapa mengeluh kos menghantar anak-anak ke sekolah makin meningkat mahal. Ini termasuk kos belanja makan harian anak-anak di sekolah. Oleh kerana kos juga pengusaha kantin akan menyediakan makanan yang kurang kualiti dan tidak berzat, malah ada yang membahayakan termasuk menggunakan perisa tiruan dan pemanis yang dilarang oleh Kementerian.

Satu kempen "membawa makanan dari rumah" yang melibatkan banyak Kementerian dan Jabatan hendaklah dimulakan. Jika makanan dibawa dari rumah sudah pasti ianya bersih, berzat dan jauh dari keracunan. Pelajar juga mesti digalakkan membawa air masak putih dari rumah dan dengan ini akan mengelakkan mereka dari meminum air bergas dan air manis yang merosakkan kesihatan pelajar-pelajar. Tindakan membawa makanan dari rumah bukan sahaja memastikan kesihatan terjamin juga mengurangkan kos menghantar anak-anak ke sekolah”.

**[ Menteri Pendidikan ]**

34. PR-1351-U(27)028

**Dato' Johari Bin Abdul [ Sungai Petani ]** akan mencadangkan :-

“Bahawa Dewan ini mengambil maklum bahawa, ramai kakitangan awam yang ada ilmu berniaga dan ada yang terlibat dengan perniagaan secara sambilan. Ramai yang mahu menceburkan diri dalam perniagaan secara langsung tetapi sayang akan hilang pencen jika berhenti dari perkhidmatan awam. Akhirnya mereka berada dalam dua alam dan tidak fokus kepada tugas sebenar. Adalah dicadangkan Kerajaan mengkaji semula dasar membenarkan kakitangan awam berhenti dari perkhidmatan dan mendapat pencen.

Adalah dicadangkan jika seseorang kakitangan awan telah berkhidmat selama 21 tahun mereka boleh berhenti dan mendapat pencen. Ini samalah dengan anggota Angkatan Tentera Malaysia. Jika ini boleh dilakukan kita akan melihat mereka yang terlibat dalam perniagaan datang dari mereka yang ada pengalaman dan ada networking. Di samping itu tempat yang dikosongkan oleh mereka akan diisi oleh ramai lulusan pengajian tinggi yang tidak mempunyai kerja yang tetap atau sesuai”.

**[ Perdana Menteri ]**

35. PR-1351-U(27)029

**Tuan Fong Kui Lun [ Bukit Bintang ]** akan mencadangkan :-

“Bahawa dewan mencadangkan Kerajaan supaya mempergiatkan usaha untuk menyatupadukan rakyat berbilang kaum di Malaysia yang kelihatan masih lemah dan longgar meskipun Negara telah menjadi Negara merdeka dan berdaulat sejak 60 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi Negara secara bersama dan merealisasikan Impian Malaysia”.

**[ Perdana Menteri ]**

36. PR-1351-U(27)030

**Tuan Fong Kui Lun [ Bukit Bintang ]** akan mencadangkan :-

“Bahawa dewan mencadangkan Kerajaan memulihkan pilihan raya kerajaan tempatan seluruh Negara supaya urus tadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat”.

**[ Menteri Kesejahteraan Bandar, Perumahan Dan Kerajaan Tempatan ]**

37. PR-1351-U(27)031

**Tuan Manivannan A/L Gowindasamy [ Kapar ]** akan mencadangkan :-

“Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan.

Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama”.

**[ Menteri Kesejahteraan Bandar, Perumahan Dan Kerajaan Tempatan ]**

38. PR-1351-U(27)032

**Tuan Manivannan A/L Gowindasamy [ Kapar ]** akan mencadangkan :-

“Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh pakar perubatan forensik sendiri bagi mewakili pihak keluarga si mati semasa bedah siasat dijalankan”.

**[ Menteri Dalam Negeri ]**

39. PR-1351-U(27)033

**Tuan Manivannan A/L Gowindasamy [ Kapar ]** akan mencadangkan :-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia”.

**[ Menteri Pendidikan ]**

**\*\*UCAPAN-UCAPAN**  
**( PERATURAN MESYUARAT 17 BAHARU )**  
**( KAMAR KHAS )**

<b>Tarikh Ucapan</b>	<b>Ahli Yang Berucap</b>	<b>Tajuk Ucapan</b>	<b>Menteri Yang Bertanggungjawab</b>
1. 16.3.2017 (Khamis)	1. YB Puan Nurul Izzah Anwar (Lembah Pantai)	1. Pembinaan Surau Dan Kemudahan Awam Persatuan Penduduk Jalan Batu 6 1/2 Taman Sri Sentosa	1. YB Menteri Wilayah Persekutuan
2. 16.3.2017 (Khamis)	2. YB Dr. Ong Kian Ming (Serdang)	2. Pembatalan Penempatan Tapak Malaysia Tourism Centre (MATIC) Sebagai Tapak Warisan	2. YB Menteri Pelancongan dan Kebudayaan

**\*\* Ucapan-ucapan Di Bawah Usul Berkenaan Perkara Tadbir Kerajaan (Peraturan Mesyuarat 17 Baharu)**